

家錄

新編

古



17/29

此卷



荷澤日記卷之四目錄

荷澤集卷之四目錄

荷潭集卷之四目錄

破寂錄下

卷之二

四十四

荷潭集卷之七

破寂錄下

辛未金璽遞而尹昉復相人言尹公必不能崖異以
失上意故也其後追崇之議復作昉外隨朝論
陽為廷爭而內則陰主追崇一日同卿宰在賓廳謂
余曰朝廷若力爭則上必允從余曰相位意如
此則宜苦口竭誠期於回天誰敢禁止尹默然諸
宰皆微笑李貴詆相臣不當廷爭罵辱張維言辭甚
悖以張維主廷論也李廷龜作色曰此非一家事
朝廷公會安得慢無禮如此昉怡然余謂人曰吾今

日始知尹相之量爲大也羅萬甲曰此安得爲量
不過無廡恥而然也余訪崔完城尹之孫垓時爲獻納
與崔議定廷爭 啓辭余笑謂崔曰公既主追 崇
廷爭文字則不可指揮也垓色變而起及金光炫姜
碩期等被罪張維謂余曰事至於此可停廷論不陷
上於過舉余曰到于今日雖心主追 崇者不敢廢
之於口以取迎合之議張深以余言爲然而李聖求
處變其說以順 上旨噫人心不同如其面焉者
真格言也

啓運宮之喪臺諫以爲不合殯於 闕中請出殯於仁

慶宮別殿 上不從及葬將返魂於其別殿臺諫又
論不可請返魂於舊宅余謂司諫李潤兩獻納權
濤曰臺諫 啓辭當以誠實不可搖樣苟合時議當
初用臺諫 啓辭出殯於別殿而仍爲返魂公等以
何辭爭之豈有殯則可而不可返魂之理宜乎 上
之不重臺論也權李皆默然李民威謂余曰無真儒
識禮者 朝論紛紛如此若使栗谷西厓在今日必
不如此余曰公見如此而隨政院僚議請從臺諫何
也李曰人微望輕安敢立職以嬰其鋒云光海追尊
所生母臺諫廷爭累日李鰲城恒福謂大諫宋諄曰

宋仁宗追尊李宸妃范仲淹等為諫官不爭今日金
諫賢于仲淹遠矣蓋鰲城之意子貴而欲尊父母人
情之所必至非關於國家安危治亂則不宜固爭
相持以失上下和氣而去也

一本議字在尹上

一本言作書

光海初余掌湖西試以臣視君如寇讐為論題後掌湖
南試與叅試官尹孝先以四皓滅劉議以為題士子
請改之叅試官金庭睦以唐太宗命使直書為題鄭
弘遠柳沆皆官于其道而付會時論甚前日考官畏
之故取解如摘額下髭至是皆飲墨大憤怨言于爾
瞻曰四皓滅劉者議來庵

來庵鄭
仁弘號

戊申疏命史直書

者指臨海之獄而言也甬瞻時為大憲與司諫李惺
議合啓論余罪且曰當廷肆變生之初有三司告變
之說請拿鞫余繫獄四閱月竄鍾城庭睦竄會寧孝
先以告肆元勲免余竄路逢李敬倬李曰吾曾以直
書玄武門事取解元金尚容亦以臣視君如寇讐言試
士于嶺南豈料以此得重罪乎世路之難乘一至於
此昔蘓東坡以詩案得罪然猶有意譏刺余則無秋
毫別意思而萬死幸一生噫小人之羅織陷人如此
末世行身亦難矣

萬曆戊戌余在堤川家前田麥穗三歧者六本四歧

者四本五歧者三本兩歧者甚多是秋平秀吉死
倭賊皆退歸域中再安雖作瑞麥頌可也天啓壬
戌余謫在寧海有崔生驩邑人曰數年前英陽縣
曾有此異今又有之明年光海見廢宋愜之亡信
有徵矣

萬曆戊午秋西北有白氣犯旄頭經天明年 天朝

提督劉綎杜松等與虜戰皆敗沒我將姜弘立金
景瑞等戰敗亦為虜所擄天啓甲子秋長湍以西
至平山大雨雹小者如鷄卵大者如鉢或有冰片
牛馬為擊觸者多死丙寅昌城雨雹如人面鼻眼

皆具丁卯虜兵陷義州長駟至平山、大駕播越
江華有城下之盟 國勢遂不振崇禎乙亥丙子
年間變異尤多旄頭星落于閩西化為石大如狗
頭金化雨雹如人面鳥雀多被傷死雷震 仁政
殿仁慶宮別殿及忠勲府人多震死川渠水溢人
家多漂沒蛙多相戰殺死死蛙成丘嶺南冬雷震
木火經日不滅是年瞻月虜主東侵竟致 主上
屈辱 東宮出質日以危急悠悠蒼天心之憂矣
其誰知之州

丁丑平安監司洪命耆兵使柳琳領兵勤 王至金

化遇虜兵命者戰敗死柳琳兵殊死戰殺虜兵甚衆日夕虜兵敗退戰場正當人面電之地亦異也人之死生由於命有莫之爲而爲者李叅判敏求以都元帥從事在閩西眇定州妓甚暱巡列邑將閱武于兵營與妓約以某日會于兵營行到龜城妓徑之嘉山報之李不勝情更取嘉山路行未五里适反遣突騎劫龜城府使韓明璉以反殺金吾郎及宣傳官之拿明璉者使李若取直路或留食頃則必爲适所殺也文晦之上變也丁監司好善爲安邊府使名出告書被拿行至金化金吾郎卒患

急病留半日故未及至而适反書至被逮而就獄者皆被亂斬一無免者翌日丁至下獄适兵逼京城上出韋公山繫獄者皆見誅而丁弟好恕以定州牧使斬适使起兵勤王以此丁獨蒙赦此可以智謀求之耶信乎死生有命也

許筠草堂曄之子也文章獨步一時而輕薄無行見棄於士論沉滯下僚光海政亂附會甬瞻蟻風宮禁驟躋叅贊遂生不厭之心戊午年間虜警初作天下兵動我國逼近建州衛人心恟惧筠詐作告急邊書又作匿名書言某地有逆賊某日當發

恐動城中每夜使人登山呼曰城中人能出避則
可免池魚之殃人心驚惧莫保朝夕都下人戶十
空八九使其黨河仁俊曉見持平韓明勗曰有匿
名書粘崇禮門必有凶賊俟隙者天尚未明難見
文字之時明勗心甚疑之俟天明詣闕到崇禮
門見壁書則果是仁俊所言者乃請鞠仁俊仁俊
與其黨玄應旻一一引服箱及黨與皆就服李甫
瞻恐鞠箱則辭連於渠以爲仁俊等皆就服箱更
無可問之情直請斬于市金闔杖死元宗李註等
遠竄癸亥反正惊泣等皆斬于市

李甬瞻與朴承宗柳希奮爭權相軋及南以恭被罪
分配海西欲因此謀棄柳朴之權使無賴人投書
于海州牧使崔沂言南以恭與承宗希奮甬瞻蓄
異謀甬瞻自書其名者渠與以恭同事光海之所
不信而欲囚人以書不出於渠也沂以爲誣告杖
殺其人甬瞻大怒遣宣傳官俞世曾託以烽燧摘
奸密偵其獄事形止監司尹調元厚賂世曾而知
之大惧咎沂徑殺告變人黜之甬瞻使臺諫請鞫
沂沂死于杖下甬瞻論以逆賊追刑拏戮人皆憤
惋調元亦竄于邊癸亥 反正雪沂冤 贈其爵

光海以詔使將至國用蕩竭許竄謫人納銀自贖而令該司列名取旨示將有取舍也於是竄謫者攀緣宮禁以圖之申領相欽徐判書消朴三宰東亮韓西平浚謙皆連姻王室故各行累百金得釋余意爲若值明時四公雖素有重望必爲士論見賤及反正申乃時人領袖莫敢雌黃首秉東銓不久入相亦可以觀世變也贖金令下李公命俊欲買銀兩曰若令贖則倉卒難辦余曰該曹列名取旨不圖者必不預公勿過憂李殆不以爲然旨下然後乃服余之先見也

光海時沈相悅爲咸鏡監司作銀器皆刻己名納于
宮中蓋欲光海常目在之而不忘也光海見廢賄
賂銀兩之在宮中者上命籍下于戶曹以補
國用沈之銀器亦在其中大爲士論所唾鄙而以
其本時人故猶不見廢丁丑變後崔相鳴吉當
國喜其付會已意排群議卜相遂躋右揆當此
國家危急雖得伊呂之佐猶惧不濟用人如此安
敢有 中興之望余爲崔相恨之其時余適承
召上京謂崔曰聞公有爰立沈公之意然否崔曰
領相有此意未知如何領相則李弘胄也余曰公

不聞銀器刻名事否古今寧有如此人作相而可
濟時艱乎崔曰然未幾領相病卒余下鄉聞之則
沈竟作相爾

劉興治既死餘黨拔虜虜兵渡江充斥於郭山以西
監司閔聖徽在劔山城報至 朝廷震駭遣鄭忠
信禦之 召備局諸宰議諸宰請以撥書 喻聖
徽出避忠信曰不可聖徽若棄城而出城中軍兵
必呼哭挽留聽聞不美余曰虜兵必爲劫島衆而
來於我似無相害聖徽必已出城若不然劔山在
賊兵中撥書何由得入聖徽亦何由得出無益於

事而只使軍兵怨朝廷上從之翌日西報至則聖徽已出從龜城路以還忠信未及至而虜兵已撤還矣明年虜遣其大將所道里要歲幣召備局諸宰議之余曰自古與虜和無無歲幣之時臣嘗與鳴吉等言之今果有此請上曰勿輕爲如此言蓋上意爲虜不知有歲幣恐其聞之也所道里留十餘日竟不許遣申得淵報之所道里言語怏怏而去余與備局諸宰議不同每上劄言不可不許獨搃戎使李曙是余言一日曙謂余曰具仁堂燕見則上有搃戎兵判皆生恟之教余曰

我實生恟 上教宜也余西巡至黃州申得淵至
瀋陽爲虜所黜而還余至安州 朝廷又遣金大
乾更申歲幣難從以示絕和之意余留大乾于灣
上上䟽大意以爲強弱不同歲幣漢唐所不免不
可失其歡意天下事皆可悔獨此事不可悔鄭忠
信請同䟽余許之從事具鳳瑞曰 朝廷議已定
幸更思之余笑曰卜者言余今年有竄謫之禍此
䟽上則三司必請罪卜者之言今必驗矣具曰執
意如此非他人所可預也余還平壤閱聖徽曰虜
慾無厭若不決戰則難以應之道內人心皆欲死

戰何爲此疏余曰道內人心則吾不及知虜若動
兵則必不下三四萬我 國安得卒辦三萬兵以
應之乎設使兵數相當皆步而負糗糧兵器不曉
坐作虜以健騎習戰者蹂之雖使韓信白起爲將
不可敵也疏上 上下教于備局曰金鄭等恐其
喪元擅留使臣以沮人心欲斬首警衆備局請拿
鞠余與鄭皆就獄讞上 上命減死定配余配寧
越鄭配唐津臺諫論之鄭改配長淵 上將親征
欲駐 蹕松京金大乾渡江不得入虜境而還
上始惧許歲幣盖 上意外示奮武欲使操縱在

我是聖人千慮之一失而朝臣皆以爲虜不足
畏明年余蒙赦還朝自是絕口不言兵事丙子
春虜將稱帝遣其將龍骨大來報上自宰臣下至
大學儒生上䟽請斬之李瀛勸李曙示之以兵威
龍胡大驚跳去不敢入城府野宿而去平安監司
洪命考請斬龍胡縱使朝廷許之龍胡必已渡
江勢不相及而爲此空言以取重於時議一時人
心槩如此虜稱帝劫我使臣羅德憲李廓等使叅
其賀班德憲等不從困辱百端驅迫而黥送之
朝論崢嶸金德誠至請駐蹕平壤十月虜遣馬

夫大至濟上義州府尹林慶業往見馬胡曰我以
十一月二十六日舉兵東來爾國若遣使更講和
好則雖兵發在道當罷歸且我國稱帝 中朝之
所不能禁汝國欲禁之何也 上欲遣朴魯報之
三司爭論十二月朴魯行至黃州虜兵已渡江長
駟朴魯蒼黃入正方山城以都元帥金自點在正
方也十三日報至中外大震十四日 上發向江
都未及出城虜兵已至沙峴蒼黃改路 馳入南
漢山城十五日虜兵圍之攻城甚急二十一日虜
主渡龍濟二十八日至南漢城下忠清監司鄭世

規領兵勤王至險川與虜戰大敗被創墮在積
屍中虜兵退麾下人員之而出得不死丁丑正月
初四日慶尚左兵使許完右兵使閔祿忠清兵使
李義培等以三萬餘兵戰于雙嶺皆敗沒義培走
死金羅兵使金俊龍領萬兵與虜終日大戰于光
交山殺虜甚多虜大將白羊高亦中丸死虜兵退
而俊龍兵亦潰金自點自正方以數千兵間行至
龍津沈器遠為下四道都元帥領江原監司趙廷
虎亦在龍津咸鏡監司閔聖徽北兵使李沆南兵
使徐佑申等領兵至皆以衆寡不敵不敢戰二十

八日虜以江都不守書來示百官家屬皆在江都
為虜得喪膽無固守意 上遂以晦日出城 親
詣虜陣虜兵捲還世子及鳳林孝宗大王出質於瀋陽
宰臣南以雄朴簪朴演宮僚李命雄李時楷閔應
協鄭雷卿李禧從行

虜報初至 上與大臣議定 幸江華先送 嬪宮

及鳳林獐坪西 王子大臣尹昉禮判趙翼奉

廟社而行老病宰相金尚容等皆令先行時上下
皆以江都為萬安之固故金慶徵以領相溼之子
為檢察使李敏求以兵判聖求之弟為副使洪命

一以左相瑞鳳之子爲從事督諸軍守之翌日

大駕發行出棠禮門虜將龍骨大馬夫大等已至

沙峴大駕蒼黃還入城從水口門而出入南漢

山城向江都則虜兵必要路襲擊手故也尹昉金慶

徵等在道聞之人情惶惧趙翼託稱尋見其父適

去嬪宮一行至江華海邊訛言虜兵且至金慶

徵將其家屬卜馱先渡兩大君亦蒼黃得船以渡

嬪宮大哭曰金慶徵則不足數豈料兩大君亦棄

我去也陪行承旨韓興一與副使李敏求艱得一

船爲行計而夜已深且審虜之虛警姑止以待明

日尹昉奉 廟社主宿通津故縣監蔡忠元不至
嬪宮闕夕供興一得糧米于人煮粥以進慶徵安
頓其家屬於江華城內聞 嬪宮尚未渡日晚始
乘船而來興一等奉 嬪宮渡津至江華留守張
紳素以苟悅民心要名譽以天塹爲無憂兵民皆
令在家待令軍器亦不分給有以爲言者則皆以
爲恒恟不聽虜兵將至亦不遣兵邀於路聞虜兵
至津遣慶徵張紳等始至甲串軍兵未及到急召
炮手分給藥丸未畢虜兵見其無備以數船先渡
慶徵張紳乘船而走忠清水使姜晉昕等諸將亦

望風而走虜兵遂入江華金尚容與洪命亨李時稷等登門樓自焚死虜將刼兩大君及尹昉韓興一禮叅呂爾徵等令作狀 啓遣中官羅業詣南漢山城告之城巾士大夫家屬皆在江都人心震駭無守城意遂致 大駕出城詣虜陣

丙子龍胡之跳去也以虜兵必至遣金元帥自點禦之金 陞辭路訪余曰自 上問禦戎策余對以虜來以四五月則臣當決勝虜來以七八月後則勝負未可豫定蓋金之意四五月則師初出氣銳七八月則師久氣衰而言也金既去余謂親友曰

觀彼我兵勢則無論遲速有必敗之形而金之言
無異趙括大可憂也四月余以病廢退歸忠州丁
丑春南漢圍解余上疏言將臣失策之罪 上答
曰頃在山城思卿甚頻蓋 思余癸酉之疏也閔
公聖徽貽書於余曰癸酉公之陳疏也吾則主戰
其後邊事漸至難處然後始以公言為是至于今
日始知公之高見非吾輩庸人所可及一時議論
盖如此

余判兵曹時閔西陳姓人自稱陳理子孫願蠲軍役
事下兵曹余謂同僚曰陳理無子此必詐也同僚

皆曰陳理之無子吾等所未聞余不敢獨執所聞
遂以高皇帝陳理明昇等東來時不做兵不做
民之詔措辭以啓命蠲其役余病退江村偶
閱牘齋叢話有陳理無子余與其外孫曹公遊之
語余乃上劄曰成倪立朝去陳理之事僅五六十
年且與其外孫遊其無子宜得其詳請查閱西陳
姓人以正詐欺朝廷之罪上從之兵判沈器
遠曰李晬光牧洪州時有陳理子孫持高皇帝
勅免其軍役載於芝峯類說請勿查上不聽李
汝固與余語及是事汝固曰芝峯所見皇敕書

天鳳某年吳王令旨子孫不做民不做官等款且有御寶御押可信余曰誅陳友諒時元順帝尚在燕都高麗臣服猶肯雖欲送陳理于高麗不可得也洪武五年中書省咨送陳友諒明昇家口令不做軍不做民閑住過活天下大一統已五年安有書林兒僭元吳王令旨詔敕亦安有著押之理汝固始釋然芝峯汝固俱以文章博雅名世而惛昧事實如此如沈判之取訂類說無足恠也

尹月汀根壽作龍岩先生傳略曰龍岩先生者姓金氏諱澍高麗恭讓王朝以禮儀判書如皇朝賀

節還到鴨綠江聞我朝開國書于夫人曰忠臣
不事二君吾渡江卽無所容其身以到江上還向
中朝之日爲我忌日葬後勿用誌文墓碣其子孫
相傳十二月二十二日爲先生諱日卽江上發書
之日也萬曆丁酉秋冊封日本之行有幕下官許
惟誠者到東萊自稱先生之裔因言先生家荆楚
生三女許卽其女壻之一欲見新谷之金人只知
善山爲金氏鄉貫而莫曉新谷爲先生里不能對
後孫竟不得與惟誠相見其家令之出於倉卒之
際者以眷眷以無聞於世爲言以此人無有知之

者遂寥寥至今可慨已抑應箕聞人而略不爲祖
先爲闡揚訃亦少推矣今採先生七世孫有暉之
語撰次其遺事吳府尹灋東史纂要撰金澍傳大
略相同余竊訝焉我太祖以壬申七月十六日
開國遣韓尚質如京師其奏文曰陪臣趙琳
賁到禮部咨節該欽奉聖旨國更何號呈馳來
報云云則韓尚質未到京師之前中國已知
我邦開國而尚質之還亦在是年澍也既自
中國還則安有歲暮至江上始聞我朝開國之
理此是亘宇宙大節亦安有數百年沒沒無知者

我國雖文獻不足徵必不如此且文獻

文獻公應箕之

謚龍岩先生之後

諸公雖遵遺命不用誌碣此非秘而不

宣之事必與相知言及豈待有曄而後人始知之
哉日本冊封在乙未冬正使李宗城到東萊倭陣
丙申春迓還副使楊邦亨陞為正使秀吉不受冊
封邦亨丙申冬還歸而有曄以為丁酉秋十餘年
之事胡亂失實如此數百年前事焉得獨得其實
未知有曄是何如者獨恠月汀諸公為其所欺爾
鄭監司世規險川軍敗檄収散卒將再赴難朴筵以
金瑩從事官在本道以為民新剗於兵不可更戰

移文道內使數月勿侵以沮之且以敗軍欲囚鄭
公用舒川郡守具鳳瑞之言也 君父被圍莫保
朝夕此正飲血登陴累創復戰之時而使之數月
勿侵其罪不容誅而以其時人故歷敷清顯而人
無敢言者如此而可以爲國乎

沈光世以幕僚從李适爲适所欺甚相得既歸李延
平問閔西事沈曰适言韓明璉有異志李曰吾聞
适有異志沈飛報於适适以病疏辭而盛誇其修
整器械訓練士卒虜來可禦之狀而末曰身病如
此恐不能終始盡瘁以報 聖恩已露其不臣之

心 朝廷不覺可歎慨也及適反光世在嶺南聞
之恐 朝廷論其飛報之罪疽發背道死可爲不
知人者之戒

李洁自海南上來路訪鄭汝立汝立露其反謀洁大
驚起疾駟向京至公州車峴見持兵者要於路知
汝立欲殺之大惧適得武士同行入京時其兄潑
亦將上來故欲待其來相議上變夜不能寐纔二
日而趙佖上變汝立聞之而逃自刳死獄辭蔓延
潑洁皆杖死

光海丁巳尹善道上疏論爾瞻之罪並論承宗希奮

以與國同休戚之臣知爾瞻之姦而不言之罪善
道連姻柳家受其旨而陳疏故爲此言以掩其跡
爾瞻之黨論其妄言竄之慶源時余謫在涪溪與
尹有族分相與往來尹以直言被罪有自高之意
余曰公疏捨諸大臣獨論柳朴之不言亦衰世之
言也尹憮然李克健亦以疏論爾瞻竄鍾城爲人
愚猾自誇與希奮相議陳疏蓋希奮權重一時欲
令邊將守令畏其勢而厚待之也余偶問公與尹
相知乎李曰年歲差池初不相識近因相議陳疏
頻會於柳家甚熟余與尹夜話及李之言尹色變

慙不能答 反正初儒生之以䟽竄謫者皆超拜
六品職任持平叔英曰尹䟽受旨於希奮有悖男
謀逆國人共知之語免罪幸矣不可褒擢清議是
之尹只拜金吾郎

萬曆庚戌余以書狀赴 京師聞見事件論遼東八
貢之路曰西北逼虜境或僅五六里東抵海岸亦
如之不幸而有跋扈之虜此路必先壅而不通我
國朝天不可專忘水路辛酉虜胡陷遼東據之赴
京使皆取海路相繼奔死時余謫在寧海任踈庵
叔英寄余詩曰如何忘海路關外虜頻圍此語從

誰出多君早見幾蓋踈庵卒亥登第仕槐院見余
聞見事件於院中文書而記之也余步其韻答之
曰海上舟如馬燕雲報合圍清詩如喚寐億中愧
知幾自辛酉至今十餘年而朝京海路亦絕不
通慨不得起踈庵於九原而握手一長痛也

癸亥八月余以修撰拜義州府尹言於備局諸宰曰
我久竄邊塞備知邊上事情邊城門外卽敵境無
卽候烽火可報敵來敵以晝至則城門不及閉夜
至則城上一矢不及發也激厲士卒登陴警夜乃
聞變之事若常責於士卒則非唯人所不堪亦不

能矣使我守安州則聞敵到義州之報而為城守
之備足以拒敵 朝廷之命我欲守之也我知其
不可守而強赴使 國家敗亡之禍出於我則是
負 朝廷也吳相允謙深以余言為然余又曰韓
明璉以巡邊使守義州余竄壯塞也明璉為虞候
觀其用心行事一悖猶也若被圍而事急則必殺
守將以投敵決難同守金相瑬曰 朝廷方倚明
璉為干城而公言如此何也余曰 朝廷之知明
璉必不如我之詳也會崔相鳴吉上疏曰金某得
罪廢朝北徙南遷過一紀還朝纔數月不合又出

一本備局下有備局
字而無諸宰四字

之邊塞且金雖有才器自是白面書生邊関非歷
試之所 上議于備局諸宰諸宰啓以余與韓明
璉不可相容之意 上命適之李叅判敏求來見
曰公力辭義州何也余告之如告諸宰焉者李曰
若許宗必能守之其意以余為怯余笑曰人之才
器不同余亦安敢以許為不能守也甲子李适反
明璉斬金吾郎宣傳官與适同反丁卯虜兵夜到
義州由水門而入殺登陴士卒然後城中始覺城
遂陷

平壤舊有箕子殿監司差出叅奉以守之所謂殿叅

奉也光海癸丑鄭賜湖爲監司時改號箕子殿爲
崇仁殿以閔西人鮮于姓者爲箕子後拜崇仁監
奉其祀秩正六品蓋倣麻田崇義監例也以鮮于
爲箕子後者取蘓東坡贈鮮于侁詩及趙孟頫題
鮮于樞書序稱其爲箕子後之語蓋亦微矣丁卯
之亂崇仁監鮮于洽降于虜 朝廷論其罪削奪
其職 命該道更擇鮮于姓者爲監余爲監司以
秦川人鮮于慶葵聞于 朝朝廷命詳查其嫡支
余復奏曰遙遙華胄孰能辨其源委只以姓鮮于
故膺 朝旨耳慶遂爲監以箕子殿爲崇仁殿以

鮮于姓爲監者皆是光海亂政相率而爲僞者也
反正之初卽當革罷仍復 祖宗之舊典而至今
仍循良可歎也

竒相自獻稱竒氏爲箕子之後未知何據資治通鑑
元魏氏長風戍主竒伯顯註云伯竒之後不干於
箕子竒相設系出伯竒其稱爲箕子後則甚於棠
韜之拜子儀墓也余祖母竒氏貞武公虔之玄孫
余與竒相爲八寸親貞武公卽竒顯之後余嘗與
竒相語問其世系竒囁嚅曰竒壽全以上失其世
未知爲某人後觀其色以顯爲先祖爲羞故也箕

子雖聖人數千年之後惘昧無所據而稱為先祖
顯雖有醜行世代可考而諱其為後其處心如此
陷于甲子之禍亦必有以自取之者矣

堯典四嶽舉鯀治洪水九載績用不成四嶽舉舜乃
堯在位之七十載也舜典曰三十登庸三十在位
五十載陟方乃死益稷曰禹曰洪水滔天浩浩懷
山襄陵下民昏墊予乘四載隨山刊木暨益奏庶
鮮食孟子曰舜使益掌火益烈山澤而焚之禽獸
逃匿禹疏九河濬濟漯而注諸海益與禹同治水
者也舜登庸時使禹始生而待其稍長使治水至

舜崩時則禹年將八十也。益同禹治水則年雖差
少於禹，禹百年而崩，是時則益年應過九十矣。堯
在位百年而享年一百十歲，則以十歲卽位也。七
十載倦勤，使舜行天子事，是時堯年八十也。以堯
之聰明八十而倦勤，則益之聰明必不過於堯。禹
雖聖亦安知益之死必在於已後而薦之於天子？
禹薦益之事不見於書傳，而只見於孟子者，何也？
孟子曰：「盡信書則不如無書，真格言也。」

孟子象曰：「謨蓋都君，咸我績。牛羊父母，倉廩父母。干
戈朕琴，朕張朕二嫂，使治朕棲。往入舜宮，嚙象常。」

一本事下無則有之
下有矣字

此非已然之語象之意則以為
舜死也將欲分取故往舜宮且
帝之惡頑無道之意以為無舜則金
摩二嫂可以奪取故知是無害若金
奪取之意則以殺舜之意果何可

一本賜下無霍

欲殺舜謨蓋之事則或有之是時堯在帝位使舜
見殺於象則堯必誅象倉廩安得以與瞽瞍二嫂
安得以治其棲哉此是齊東野人之語而孟子不
辨若宗有是事者然公都子曰外人皆稱夫子好
辯敢問何也嗚呼宜乎外人之有此言也

成王之立也年十二歲以其幼故周公攝其政矣漢
武將立昭帝盡周公負成王朝諸侯以賜霍光蓋
勉霍光以周公之事非必有是事也抑古語相傳
有是說而為之耶十二歲之君安有背負而見諸
侯之理雖欲背負亦不可得也孟子曰盡信書則

不如無書吾於此亦云

昌黎張中丞傳後叙云閱家中舊書得李翰所爲張
巡傳翰以文章自名爲此傳頗詳密尚恨有闕者
不爲許遠立傳又不載雷萬春事首尾遂叙許遠
南霽雲事甚詳而無一言及雷萬春者既以不載
雷萬春事首尾爲有闕則傳後叙不應復沒沒如
此也余嘗疑南霽雲三字傳寫者誤作雷萬春每
與士友語次及之或言八大家文抄註亦有此論
八大家文抄註余未及見不知果然否

東坡以詩案繫獄其供案此身已覺都無事今世仍

逢大有年山寺歸來聞好語野花啼鳥亦然欣供
曰赦歸時至寺下見僧俗五六人坐路傍言新天
子卽位聖明有一人以杖趯地而起曰真箇少年
天子故喜而作此詩子由作東坡行狀則曰公欲
買田於徐州此時諸生買田之報遠至故喜而作
此詩與東坡供辭牴牾如此豈東坡之供死中求
生故未免有遷就繃縫之辭子由行狀不可不記
實而然耶必有能辨之者

李爾瞻秉權欲廣樹私黨每科舉時豫出試題使其
黨製之而出其題於試圍宿構者既多未免漏洩

戊午增廣初試諸生語曰今日必出某題已而果然諸生請改如是者三諸生大閱曰非宿構者不得叅遂潰圍而出試官大恐哀丐于諸生曰願更入製之當以至公行之指日爲誓諸生皆不肯而金判書起宗柳叅議大華等數十人從之柳爲魁而金亦高中物議譁然而爾瞻權方盛無敢言者殿試則金爲壯元而柳次之清議多訾之癸亥反正不許兩人清路張睨之平李适也金從征有功朝論棄瑕用之歷正言持平掌令錄功陞堂上以廉謹幹材名譽甚著登第十二年起拜戶曹判

書柳終不得躋清顯

松溪漫錄曰嘉靖丙申湖陰製滕王閣排律二十韻
魁廷試階嘉善全篇雄渾奇健真傑作也但使老
杜清江白石竹色松聲之語老杜之清江白石傷
心麗嫩藥濃花滿目班古牆猶竹色虛閣自松聲
云者詠滕王亭非閣也閣在洪州亭在閬州而公
以亭之所詠參用於閣謬矣此論余甚恠之滕王
閣雖在洪州亭雖在閬州皆是元嬰封域之內不
甚相遠也清江白石嫩藥濃花竹色松聲江南佳
麗之地皆有之應仁能保滕王閣獨無此景歟閣

若無此則安得為名區歟應仁也拈出亭閣之在
異地欲誇其該博而反歸於膠固不通真可笑也
李東臯浚慶為領相當都堂弘文錄圈點時以筆抹
其子德悅名曰吾子之不合玉堂吾知之詳也人
皆服其無私得大臣體其後柳永慶以領相當都
堂弘文錄圈點時亦抹去其子懔之名時懔已入
東銓為佐郎公論以為銓郎清顯優於玉堂而權
重既許其入銓而獨抹於堂錄小人厭然情狀敗
露無餘雖欲效嘖東臯人誰許之近來堂錄時相
臣子孫則東西壁歷於相臣不敢不圈故皆以准

點得選而私意大行朝政益廢以今觀之永慶之
抹去牒名其亦差強人意也

光海卽位初吏曹判書成泳以永慶之黨彈罷領相
李完平以李光庭金晬李廷龜擬薦光海命加望
以申欽薦之又命加望光海意在鄭昌行蓋以昌
行王妃之表叔也完平不得已以金信元韓孝純
及昌行薦之昌行遂為吏判物議譁然而外戚權
始盛無敢言者時鄭愚伏為大丘府使膺求言旨
上䟽極言初政之失至曰其人不預焉則命使加
望其人又不預焉則又命加望必得其人之姓名

然後始肯落筆焉。殿下之叅入已意，任情低昂，至此而甚矣。又言某人以定策自居，而今其子為某官，某人以調護自任，而今其身為某官，又論年來除拜不公之弊，有邊將守令皆有定價至。先王末年而極矣。之語光海怒下教曰：「經世詆訾。」先王吾欲罪之，恐防言路置之。其䟽語觸臺諫，故臺諫皆引避，依違含糊，而正言鄭弘翼獨以加薦為相。臣之失職辭意極峻，是日適有政移拜修撰，恐其論之也。任究窺見上意，欲迎合時好，其避辭至有人主用人立賢無方，經世徒循題目之好，以為

擊去之計光海因此大怒下議于大臣屢百言曰
經世以先王經幄之臣暴揚先王之過吾欲
逆諸四裔不與同中國大臣皆以以言獲罪為未
安而尹承勲以為前後異教恐有傷於大哉之王
言故愚伏只坐罷洪判書可臣退在田野上䟽論
充迎合妬賢之罪光海答曰卿以勲舊重臣未免
偏黨信乎去河北賊易也充尤揚揚自得其避辭
至有經世唱之於前弘翼和之於後可臣按劍而
起等語遂拜銓即人皆唾鄙是冬掌令李綏祿駁
罷之䟽中調護自任指竒自獻定策自居指李山

海而甬瞻輩以調護為鄭仁弘攻愚伏尤力

壬子金直執之獄權聰上變言 仁嬪在 宣廟末

年謀危東宮 定原君義昌君兄弟諸 闕門外

陳䟽待命聰以誣告杖死蓋 仁嬪寵冠後宮光

海在東宮寵衰不能無怨故聰窺其意而作此事

也

蘓鳴國者蓋山人粗知文字輕薄陰險無與為比交

結時輩隨其好惡而上䟽鼓其 人畏之如鬼蜮

乙卯上䟽曰申景禧言塞門洞宮有王氣塞門洞

宮卽 定原君之家而申景禧 定原夫人表從

故也景禧及定原君第二子綾昌君下獄辭連
鄭愚伏李溟及景禧黨楊時晉尹趙等皆被逮景
禧欲死中求生獄中上變言尹珙尹璠與仁城君
有陰謀仁城王子中有令望光海所深忌而仁
城夫人乃珙璠從妹也珙璠就鞠卒無事實免死
分配景禧尹趙死于杖下時晉杖流道死綾昌君
竄海島竟不得其死愚伏李溟皆見釋

尹珙字元璧相國承勲之子也事父母孝與朋友信
謫居通川山火夜迺入室其慈親病不能出避元
璧與其妹李判書敬輿妻共攀母衣皆燒死聞之

者知與不知皆流涕 反正初旌其閭

乙丑宣川地叅莖有董王春三字色紅如染朱張晚
廵到閬西采其叅以來人見者皆異之而莫知其
為祥灾丁卯正月虜騎渡江陷義州安州長駟至
平山殺掠不可勝紀兩西鞠為茂草董字千里草
也王春正月也其灾始驗丁丑南溪 出城亦在
正月而 國勢日漸危急其灾益驗

光海深惡塞門洞宮有王氣之說撤其家作新闕甚
宏麗號慶德宮以壓之 主上以 定原嫡嗣撥
亂 反正追崇 定原為元宗其有王氣之說真

奇識也

李守白奇益獻斬李适明璉來降 特免其死而令配之後數年因大赦任便居住李重老之子文雄朴榮臣之子之屏等以其父爲适所殺守白适之黨稱以復讐白晝斬守白於京師路上上疏請伏殺人罪色承旨鄭百昌捧其疏而啓之余時以殿試試官在闕中謂同列曰文雄等雖云復讐擅殺人命罪當死此而不死則自此稱以復讐擅殺人者相繼矣 上命禁府鞠之讞上 上命議于大臣大臣金瑬等極稱其孝請赦之 上以爲

文雄等知其必死而殺之則為孝今料朝議必如此而殺之不可不罪然上亦以重老乃靖社功臣終原其死丙子之亂都慶俞以沈演從事督戰于雋嶺斬將官朴忠謙亂既定忠謙之子邀慶俞于龍仁路上殺之朝廷命囚鞠忠謙之子多有救之者終不能正其罪

自毛文龍時有獮馬真人者往來椴島自言暹羅國人年百七十歲能拘囚蛟螭虎豹捕逐鬼物變化不測島中皆崇奉以為神壬申年間又來島中伴使馳啓馬真人領兵往九連城將與虜兵戰備局

諸宰皆以為信余曰此謊說也完豐曰公何以知其謊也余曰後必知之數日灣尹馳啓馬真人領兵到九連城完豐謂余曰馬真人已到九連城公初以為謊說者何所見也余曰灣啓為謊說所欺也完豐駭曰公之好已勝如此何也完城曰此友之好勝是本來病痛也余笑而不答數日灣尹馳啓曰馬真人之出來云者漢人之謊說也完豐始大驚謂余曰公何以能審其謊說也余曰此諸公不思耳馬真人自稱百七十歲雖是誇誕必將百歲老翁也騎馬奔馳必所不能也安肯自就戰場

以取死也完城諸宰曰此理甚明而吾輩初未及思殊可愧也

權承旨濤心是追 崇之論而恐為一時清議所詆
壬申廷爭故峻其啓辭至於竄謫李相聖求素斥
追 崇之論而恐忤 上意甲戌祔 廟遽變其
說而竟取大拜未知孰為得失

我國雖號博雅者於物名多誤以羖為羔此最甚者
也論語緇衣羔裘註羔黑羊皮衣以褐裘欲其相
稱也詩傳羔裘如濡羔裘逍遙羖皮豈可以為裘
耶賓之初筵曰由醉之言俾出童羖註曰童羖無

角之殺羊必無之物蓋羔雌則無角殺雌雄皆有
角羔之非殺如此其分明而以羔為殺何也以殺
為羔則以殺為何物耶

金相應南子命龍洪判書可臣子案皆娶李洁女已
丑難作洁考死洪判上書請離婚命龍亦上書請
離婚畏其及禍也時金相赴京未還命龍之表

叔李山海教命龍為之故士論不咎金相而多為
洪判惜之金判書尚憲子光燦娶金珠女珠延興
府院君金悌男之子癸丑之難府院賜死珠考死
尚憲上疏請離婚時禮判李爾瞻以為法不當離

一本判下有書

禮判李爾瞻一
本作李爾瞻為
禮判

禮判李月沙廷龜
一本作李月沙廷
龜為禮判

婚光海命從自願離之權判書盼孫躋娶元宗慶
女李适之亂宗慶以其黨被誅盼上䟽請離婚時
禮判李月沙廷龜褒獎其忠請從之亦可以觀世
變矣

壬辰之亂張鴻稱其妻罵賊而死 朝廷命旌其門
丙申歲黃判書慎奉使日本而還倭劓送被擄男
婦鴻妻在其中人皆駭憤而 朝廷不抵鴻欺罔
之罪可謂失刑矣丙子之亂李叅判敏求之妻尹
暉女也在江都為胡所擄去携其孫兒及婢以從
路由京中逢敏求兄聖求於路上了無愧惡之容

聞者惡之其夏聖求奉使瀋陽而還敏求稱其兄
逢其婢及孫兒於瀋陽婢言其主母到慈山罵賊
而死渠得棺以殮權厝某處依婢言尋問於其處
居人則言果有棺殮之尸賊後到者發其棺取其
衣服棄其尸而去依其言尋而得之其壻申昇護
其喪返葬于原州又贖其孫以還聞者皆疑焉設
使李妻罵賊而死其婢在擄去中安能得棺而殮
之設使棺殮又為破棺棄尸經夏日霾雨則尸必
腐朽安得辨其為妻也後聞李起築之言曰吾以
別將扈東宮之行渡鴨江目見李妻隨賊入瀋

之狀而其家言其死於慈山至於還葬以此推之
萬事真偽皆不可信此與張鴻妻前後一轍耳

素崇煥既誅毛文龍虜使滿月介等到義州辟左右
密語府尹李時英曰欲殺文龍密結於素崇煥費
盡心機今日始得殺之幸也我親公故言之願勿
泄於人聞者皆笑之其冬虜主大舉入寇陷密雲
殺總兵趙率教等進圍燕京累月素崇煥領祖
大壽等入援文龍之黨諸崇煥受虜旨殺文龍
帝命誅崇煥大壽憤朝廷殺崇煥引兵退歸虜
兵陷薊州及永平府劉興祚等皆戰死御史白養

粹降于虜虜主命其將阿彌羅古屯永平而庚午
春引兵還瀋陽遣朴仲男等告捷于我 國閣老
孫承宗由海路至山海關更檄召祖大壽等諸道
兵復永平府阿彌羅古大敗殺白養粹遁還瀋陽
丙子夏虜兵又從居庸關入寇進圍 燕京暴辱
陵寢時監軍黃孫茂到我 國聞報狼狽而去十
月虜兵退還瀋陽

李适之反八 京城也李時言之子煜往迎之适敗
于鞍峴煜為人執納軍前斬之人言煜茅煥同煜
反而逃走得免煥 國舅韓西平之庶女壻也余

言于元帥諸公曰煥倚勢得免則王法廢而國不可爲也皆曰然欲將跟捕大駕還都之日余宿旅舍鷄初鳴韓公會一來蹴余起因致西平之語曰煥與金雉一家避兵於水原地而公誤聞煥投賊將欲罪之公若不信吾言願問于雉我何敢以一孽女縱國賊余問于雉則曰煥與吾一家偕避兵于水原村舍村人皆知之余不復疑煥得免後數年病死丁丑虜退余承召入京與韓叅判亨吉語及亂離事曰此時人言虛實難准韓曰然适亂李煥實從适而公輕信韓金諸公之言煥得

逋誅余大驚問于韓承旨興一興一微笑曰韓叅
判之言是也噫西平自少負重望且為國舅當
與國同存亡而乃為一庶女作如此舉措國
勢之不振宜矣其時人言武人前郡守某附适某
乃龜川君晬之庶妹夫也余問于龜川君曰人言
某從賊從賊而幸免則國法將廢公以宗宰重
臣豈可為一妹縱國賊耶願聞公言而處之龜川
色寢良久徐曰公以宗社之事問我我安敢隱
其實從适遂蒞斬之龜川之滅私其視西平相去
奚只千萬里也

李适至猪灘李重老朴榮臣李德符等戰敗皆被殺
适凶勢尤張張王城李判書召諸將計事皆以爲
憂余曰适領下有懸肉此乃狼跋其胡之相終必
狼狽就戮王城大喜曰适之領肉武班輩常以爲
燕頤虎頭封侯之相今聞公言果是狼胡進退必
惟谷以余言勉勵諸將而送之諸將皆喜而去
文晦李佑之告李适也諸功臣方主告密李适平崔
完城等皆以爲信而獨金昇平以爲寃屢爭於
上前适平怒曰金塗必與同謀故稱其寃及适反
報至昇平大惧請誅被逮人竒自獻柳公亮尹

守謙李時言玄檄等以絕相應內起之意 上從

之延平力爭被逮之人多是位高宰臣必無盡與
适同反之理至於自獻立節於大論被竄者何可
不為辯白而並戮之 上詢于大臣昇平又入對
更請自獻等四十餘人皆被殺延平曰自獻立節
而被混戮願以變生蒼卒人情起惧故事出於不
得已非以爾預於凶謀喻自獻使知 朝廷意而
死 朝廷不能從

金元亮自少好名號有操行有聲於其朋儕間以鄭
愚伏為嶺南儒宗負笈遊其門 反正時預密謀

擢陞六品余被赦還朝見愚伏問曰元亮以儒
生策靖社功何也愚伏曰與金自點李時白等
相友善故雖得聞其議而無干預之事及策靖
社勲元亮為三等憤其屈疏辭之余與愚伏任茂
叔會玉堂余曰元亮自言不預謀而策名三等則
憤其屈者何也愚伏曰豈有此理茂叔曰余與元
亮甚親一日元亮來言靖社之謀余言食祿受
國恩之人為宗社作此舉固是矣爾是儒生上
有偏親事若敗則禍及於親於忠孝具失也元亮
色寢而去元亮與李适為六寸親适之預於靖

社者由元亮也愚伏笑而猶有不信意是冬文晦
等以适謀反告於諸功臣相議上復元亮請為寧
邊判官以譏察之諸功臣大疑之不許及适反報
至請鞠元亮竟斬之人或言尹仁發之詐死投适
亦元亮為之謀也其儕類如羅萬甲趙浚輩至今
皆稱其冤死

我太祖以洪武壬申開國傳至百三年弘治甲
寅燕山立中宗以正德丙寅靖國傳至百三
年萬曆戊申光海立燕山光海皆被廢我國氣
運至百三年則有興廢大數而致之歟後來立朝

者宜記之

孟子陳相曰從許子之道則市買不貳國中無偽雖
使五尺之童遠市莫之或欺布帛長短同則買相
若麻縷絲絮輕重同則買相若五穀多寡同則買
相若屨大小同則買相若陳相之意布與帛長短
同則同價麻與絲輕重同則同價屨無論革與絲
其大小同則同價云而孟子曰物之不齊物之情
也或相倍蓰或相什伯或相千萬子比而同之是
亂天下也巨屨小屨同買人豈為之哉從許子之
道則相率而為偽者也惡能治國家孟子之答以

屨之大小各異而同價爲言與陳相之言相戾豈
有誤字而然歟讀者宜詳之

癸亥 反正權縉以光海韋臣竄梁山李适之變統

制使具仁虛右兵使申景裕領兵赴亂慮縉爲适
應密言于監司閤聖徽使殺之仁虛等皆靖社

功臣聖徽不敢違遣清道郡守鄭慶業斬縉縉臨

死曰必非 朝命我不合死而事已至此無可奈

何适既誅 朝廷下聖徽于獄鞫其矯殺宰臣之

罪功臣等皆力救之蓋聖徽深結于申景禎爲腹

心而受旨於景裕等故也 上亦以事雖妄作心

則爲國只命削奪官職居數月咸鏡監司權盼
見適功臣等以爲非才如聖徽者難以鎮北方欲
以代權盼誦言于朝申相欽曰國勢不固將
來之無亂不可知北方是士大夫竄謫之地不幸
有難而聖徽爲監司擅殺士大夫如權縉則國
不可爲矣功臣之議遂沮縉登第急於進取付會
李山海等取顯仕見洪汝諄勢重於山海遂付于
汝諄汝諄敗又付柳永慶履歷清班不盡其欲則
又與睦長欽等相結自稱士類光海時壬子獄起
以刑房承旨治獄迎合主意遂得寵於光海數歲

超拜兵書 反正日大恐及禍請斬叅判朴昂吉
爲諂付功臣之計昂吉雖罪當誅人皆疾繇之反
覆無狀其見殺于聖徽亦自取之也

古者以金爲貨賞賜贈遺皆用金後世金貴疑佛法
入中國後金盡歸於塗飾佛像而然余已於紫海
筆談言之矣王莽之末府庫之金六十萬斤而董
卓築塢于郿竒玩積如丘山而金止三萬斤去王
莽未及二百年而如此物理有不可知者漢以
上帛貴於金漢宣帝賜徐福帛十疋以爲卽光武
之罷遣周黨也賜帛四十疋而隋文帝賞賜諸功

臣有多至于萬疋者唐太宗賜魏徵等亦不下四
五百疋意者晉以前木綿未入中國貴賤衣服皆
取辦於蚕桑故帛貴如此而晉以後萬民衣服皆
取辦於木綿襦衣褚絮雖貴人不用蚕綿故帛歸
於物賤而賤也

昌黎胡珣墓碑略曰其子某某與公壻廣文博士吳
郡張籍以公之族出行治歷官壽年爲書使人自
京師南走八千里至閩南兩越之界上請爲公銘
刻之墓碑於潮州刺史韓愈其叙事實曰珣爲尚
書駕部郎中數以事犯尚書李巽巽時主鹽鐵事

富驕恃勢以語丞相由是退公爲鳳翔小尹翼死
遷少大理元和十二年拜內中尚明年以病卒余
嘗歷考史書則翼之卒在元和四年張籍之目不
見物在元和張慶之交翼未死之前籍是無病之
人而昌黎代籍與李浙東書註以浙東爲翼以此
推之則韓文註疏多誤不可信也

東陽尉申翊聖象村申相欽之子也能書善屬文以
文章自許辛未年間爲其父印布象村集其東征
錄有壬辰倭賊從烏竹西嶺上來之語其春城錄
記國朝父子相繼爲議政者而尹斗壽及子昉


預焉余謂東陽曰壬辰倭賊從烏嶺秋風嶺上來
嶺南竹嶺一路則賊蹤終始不到而錄云然春城
錄則象村光海時謫居所錄尹昉八相在 反正
後而亦在其錄者何也東陽色變而去丙子年間
又刊象村集以行春城錄削尹昉之名東征錄削
賊從竹嶺之語而更添賊兵初至右巡察使金誠
一以爲賊艘不滿四百一艘不過載數十人揔之
不滿萬人誠一之論聞于 朝廷朝廷亦以爲然
等語壬辰春 宣廟以誠一唱爲賊不來之說
特除嶺南右兵使未及到鎮而賊已至 宣廟命

拿鞠禁府都事李通承 命至洛東聞賊鋒已迫
逃去誠一聞有拿 命從間道上來 宣廟西幸
更以誠一爲招諭使令招諭嶺民誠一至稷山聞
有新 命更就嶺南秋間監司金晬以罪罷 行
朝以寧海府使韓孝純爲左道監司而誠一爲右
道監司以此推之則象村集中雜錄非象村所錄
者多也辛巳夏東陽歷訪我于荷潭從容作話言
丙子亂後 朝廷收得 列聖御容一簇朝議皆
以爲 仁宗真余聞其 御容髯長獨以爲 文
宗真大臣聞余言遣卽廳欲聞其詳余取謏聞瑣

錄中記 文宗龍髯甚長處付標以送大臣猶不
信改粧纈時拆去右襟則其紙背書 文宗真字
議遂定余曰東人野錄中 文宗像表雄偉龍髯
甚長之語則吾能記之而瑣錄亦記此忘之矣東
陽既去余謂人曰曹伸乃梅溪之庶少弟及見
文宗似無是理取瑣錄考之則無之東陽之付標
以送云者何也余所見乃是慵齋叢話也

破寂錄終





文通海

太通海

太通海

太通海

太通海

太通海

太通海

太通海

太通海

太通海

